

Cur fit mentio Pilati?

Pilatus fuit praeses Iudaeae sub imperatore Tyberio. Huius mentio fit in symbolo propter circumstantiam temporis, quae monet nos de messia exhibitio iuxta vaticinium patriarchae Iacob: „Non auferetur sceptrum de Iuda neque magister de pedibus eius donec venerit Siloh.“¹¹⁷

5

Quale genus supplicij fuit crucifixio?

Crucifixio fuit supplicium Iudaicum, quam postea a Iudaeis acceptam vt videtur. Vsurparunt [68:] orientales populi, sed aliter Iudaei aliter gentes hac vsi sunt: Iudaei non solebant viuos homines in crucem tollere, sed lapidatione interfectos, quorum postea cadauera cruci alligabant, non clauis per manus et pedes adactis affigebant. Gentes vero et viuos crucis supplicio afficiebant et clauis affigebant non alligabant. Ad haec discrimina administrati supplicij huius inter Iudaeos et gentes alias acceßisse videtur et fractio crurum in mortuis, cuius meminit historia euangelica, quod et ipsum apparet fuisse moris ethnici. Modus igitur crucifixionis, quam Christus pertulit, non fuit Iudaicus, sed externus. Nam illo tempore iudicia capitalia non habebant amplius Iudaei, sicut ipsi de se proclamant: „non licet nobis interficere quenquam.“¹¹⁸ Quare Christus traditus a Iudaeis ethnico praesidi non Iudaico externo etiam et ethnico modo crucifixus est, quem tunc ibi gentes in hoc supplicio seruabant.

Scribitur autem et hoc contra blasphemos et idolatras a Iudaeis crucifixionem vsurpatam, vt hac de causa Christum etiam crucifigi postularent, quem et summus pontifex blasphemiae damnauerat et cui alterum quoque crimen laesae dignitatis et quasi maiestatis sacerdotalis intentabant, quod contra templum et iudices Israel locutus esset. [69:] Tales autem tribus tantum festis ijs, quibus populus omnis conueniebat, tollere publice supplicio solebant, ex eo, quod scribitur, Deut. 17: „Tollendos tales, vt omnis populus audiat“¹¹⁹ etc. Ideo Christi etiam supplicium, vt ad paschatis tempus fieret, laborarunt. Haec adultioribus prodesse forte poterunt et, vt considerentur, necessaria sunt, quia ex Iudaeis impijs incogitantiores aliqui contra historiam euangelicam negant Christum viuum crucifixum, sed tanquam blasphemum more gentis Iudaicae lapidatione interfectum, id quod omnino etiam de Christo fecissent Iudaei, si penes ipsos tunc fuissent supplicia capitalia. Non igitur meminerunt eo tempore

¹¹⁷ Gen 49,10.

¹¹⁸ Joh 18,31.

¹¹⁹ Dtn 17,12f.